



REGIONE AUTONOMA DE SARDIGNA
REGIONE AUTONOMA DELLA SARDEGNA

Cuncursu de poesia in Limba Sarda

de sas iscolas de su Monte Acutu
Annu Iscolàsticu 2024-2025



Comunu de
Alà



Comune de
Belchidda



Comune de
Monte



Comune de
Padru



Comune de
Òschiri



Comune de
Uddusò



Traballu a cura de s' Istitutu Chircas -
Progetu "Camineras de Sardu" - annualidade 2024 -
Finanziadu dae sa RAS cun sa L. 482/99 e sa L.R 22/2018

Cuncursu de poesia in Limba Sarda

ISCOLAS DE SU MONTE ACUTU
COMUNE DE BELCHIDDA – V ELEMENTARE

“BID-DA MJA

Belchidda est sa tzitade de su binu
famada in totue pro su vermentinu,
prena de mùsica e de bellas cantones
chi aunint totus sas traditziones.

Manigos bonos de onzi calidade
sa supa belchiddesa est s'ispetzialidade,
ma de su raviolu cundidu a pumata
sa sagra in Triulas onzi annu benit fata.

Su museu de su binu est un'ispantu
in ue sunt mustrados traballos de campu,
in ue sa ua diventat binu
comente unu disignu divinuu.

Ammentados cun istima e allegria
de Pedru Casu contos e poesia,
carrarant Belchidda cun fadadu velu
cando si festat Note de Chelu.

Su panorama chi bides dae sa piata
paret cumpostu subra de una sufata,
Belchidda est una bidada apassionada
chi aunit presente cun era passada.



59 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE PADRU - II MÈDIA

"FESTAS PAESANAS"

In sa Sartiglia in Aristanis
b'est su cadderi in bolu
subra de su caddu, lizeri che crabolu.

In sa Carrela in artis
sos caddos in falada
la rendent una festa bella e amada.

Sas mascaras de linna
de su carrasegare
cun sos sonazos nos faghent brincare.

Fundamentu mannu
de sa nostra cultura
ogni passu est consolu, ogni sinnu una cura.

Festas paesanas
fizas de sa Sardigna
terra de cultura e traditzione digna.



68 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ALÀ - MARIA FRANCESCA SCANU

"ITE EST SA FORTUNA?"

Sa die est custa: su 30 de Maju de su 2013! In custa die so nàschida deo, una de sas persones pius fortunadas de su mundu.

- "E pro ite ses fortunada, ite ses sa fiza de unu miliardàriu? – s'ant a dimandare in paritzos.

E deo rispondo chi nono, so solu fiza de babbu e de mama, pro cussu so fortunada. Sa familia mia no est rica de prendas e de dinari comente sa de sos miliardàrios, ma est rica de valores, de serenidade e de umiltade. Pius fortuna de cussa cherides?

A parte sa famiglia, apo puru amigos meda, cun sos cales rio, brullo e mi diverto, in pagas paràulas deo isto suta una cobertura fata de gioia e de allegria. Sa mia, no est una fortuna de pagu contu ma una fortuna chi lughet che istedda.

In ogni momentu de sa vida mia b'at unu biculu de fortuna, puru cando una die paret trista a sa fine si mudat in una die serena, e custu pròpiu gràtzias a sa zente chi apo a curtzu, zente chi at unu coro mannu.

Non bastant custas pagas rigas pro bos contare sa fortuna chi apo, e forsis no at a bastare unu libru e ne unu mare, e pro ite nono, nemmancu un'ocèanu, ca ponide mente a mie, deo so fortunada meda! Pro cussu ringrätzio totus sas persones chi faghent parte de sa vida mia ca sunt issas sa fortuna mia pius manna.



182 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE PADRU - V ELEMENTARE

“NON SEMUS SOLU MARE”

Su bentu chi cantat intra rocas e olias
giughet murmutos de boghes antigas
dae sa Barbàgia a su Sulcis, unu mosàicu de vidas
ogni sonu, ogni logu, nos parent maias.

Su bentu chi sulat sas nues ispinghet
e de milli colores su chelu si tinghet.
Sardigna, ses terra lughente che s’oro
unu cantu de amore chi caentat su coro.



69 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE MONTE - III ELEMENTARE SETZIONE A

“S'AMISTADE”

Est bellu meda a èssere amigos
cun gana manna de istare unidos,
cun sos amigos est bellu a faeddare
e aere semper cosas de si contare.

A bortas càpitat finas de brigare
Ma giai cuitamus puru a torrare,
nos leamus sa manu torra cuntentos
cun su disizu de menzus momentos.



99 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE MONTE - IV ELEMENTARE SETZIONE A

“SALUDOS A SOS CUMPAZOS DE CUINTA”

Sos cumpanzos de cuinta cherimus salutare
ca issos s'iscola como ant de cambiare,
amus coladu tempus meda impare
chi mai nos amus a ismentigare.

Como lis tocat unu passu mannu
ca a sas mèdias andant aterannu,
cosas meda ant a cambiare
ma cun s'intentu de si mezorare.

Si Deus cheret nos torramus a bìdere
E totus paris amus a rière,
pro como augùrios pro su càmbiu de iscola
e anmentade chi non sezis mai a sa sola.



66 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE BELCHIDDA - IV ELEMENTARE

“SA BIDDA DE BELCHIDDA”

Finas si so ancora piseddu
mi praghet de andare a su casteddu,
in ue sos mannos bufant vermentinu
e puru carchi tatza de giogantinu.

In bidda faghent bonu su casu
chi de siguru praghiat a Pedru Casu;
nos praghent meda “sos raviolos”
e comente durche, sos frijolos.

Nois andamus a Note de Chelu
chi est una festa bella de a beru,
sa zente acudit dae ogni parte e logu
cuntenta de assazare su binu bonu.



59 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ALÀ - MARIA FRANCESCA SCANU

“S'AMICITZIA”

“S'amicìtzia”, comente nos ammentat unu d'icciu antigu, est una prenda, unu siddadu, tancadu in su coro nostru e duncas no est a totus chi podimus donare sas giaes pro l'abèrrere. Tocat de seberare bene.

In sa vida podimus abbojare zente meda, persones diversas una dae s'àtera, ca a èssere totu pretzisas ite gustu bi diat àere? Apo connotu persones birgonzosas, giogosas, mudurronas, persones de idea mala e persones bonas. Deo so cuntenta de àere abbojadu totu custa zente, ca dae ognuna de issas apo leadu carchi cosa chi m'at permissu de èssere comente so como e apo imparadu a seberare su bonu e su malu.

De tzertu apo a sighire a faddire in su caminu de sa vida, non totus sos chi m'ant a pàrrere amigos l'ant a èssere a beru, e cando mi nd'apo a abizare, de seguru apo a cambiare su frisciu de su coro meu e apo a dare sas giaes noas a chie si lu mèritat. Ca apo cumpresu chi s'amigu no est chie ti faghet rière e divertire ebbia, ma est una persone chi t'istat a costazu in sas proas chi sa vida nos ponet in cara, chi t'aguiat a giumpare sos ostàculos, chi cando rues ti aguiat a ti nde pesare e ti faghet de bàculu pro sighire impare su caminu.

Duncas si agatades una persone comente custa donade-bi-las sas giaes de su coro, ca est pròpiu beru chi “chie agatat un'amigu, agatat unu tesoro”.



196 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE MONTE - CLASSE IV ELEMENTARE SETZIONE B

“SA PAGHE IN SU MUNDU”

Onzi piseddu cun ojos cuntentos
e cun su coro sentza lamentos,
allegru e cuntentu in custa terra
si in su mundu agabbat sa gherra.

Onzi paràula de sintzeridade
prenat sos coros de felitzidade,
e onzi carignu prenu de calura
mandat a tesu onzi tristura.

Ca custu mundu podet mezorare
solu imparende a istare impare,
e cando finit sa gherra in su mundu
faghimus festa cun su ballu tundu.



77 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE MONTE - CLASSE II ELEMENTARE SETZIONE A

“SA FINE DE S'ISCOLA”

Su tempus bolat e est currende
e s'iscola est giai finende.
Non b'at prus libros e nemmancu bancos
ca de istudiare semus istracos.

Solu sole, su caldu e su mare
e tempus meda pro giogare;
solu montes e libertade
cun cuntentesa e felitzidade.

Saludu mastra, saludu bidella
lasso inoghe custa cartella;
nen prus istòria e nen geografia
ma solu dies in allegria.

A cabidanni amus a torrare,
cun gana meda de cumintzare;
ma nois pro como non bi pensamus
bos namus gràtzias e nos nche andamus.



66 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE UDDUSÒ - CLASSE IV ELEMENTARE SETZIONE A

“SARDIGNA”

Sardigna terra mia
ses prena de fantasia
cun colores e allegria
ses sa menzus chi bi siat.

Amigos dados in bona sorte
e àrbores cun raighinas fortes
cun su mare postu a t'inghiriare
e sos puzones in bolu a t'ammirare.

Ses sa famiglia de totus cantos
rica de bellesas e de ispanτος
cando ti mostras pro t'ammirare
cun sas arvèschidas a cara a mare.

Mandas dae tesu unu nuscu profundu
chi est connotu in totu su mundu
siddados nos mostras onzi santa die
chi parent finas assimizent a tie.

In s'abba de mare t'ispijas in fundu
tue Sardigna pro nois ses su mundu
e custas rimas postas cun calore
mustrant su nostru ispanτος amore.

Cun sos ojos in colore de mare
prena de bellesas de ammirare
mares e montes, limba e tradizione
ti rendent de Itàlia sa menzus regione.

Mare pintadu dae milli colores
cun pishes mannos e àteros minores
in ierru e istiu a nois nos das in donu
su chi su mundu remonit de bonu.

Comente una mama nos as pesadu
in custu logu chi paret fadadu
s'isula perfeta in ue chèrrere istare
semper pro nois as a restare.

Oh terra nostra pretziosa che s'oro
nois t'amamus cun totu su coro,
ti dedicamus una poesia de amore
terra nostra inghiriada de onore,
non t'amus a lassare mai sola
saludos a totus, andade in bon'ora.



305 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ALÀ - GABRIELE DONEDDU

“S’ISTIU EST COLENDE”

S’istiu in presse est colende
cumentu e cun allegria bera,
esso a manzanu e recuo su sera
cun sos cumpanzos semper gioghende.
Sa die la colamus currende
dae unu bicu a s’àteru de sa carrera,
ma a pagu a pagu penso a cosa sèrias
ca a cabidanni intro in sas mèdias.



69 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ÒSCHIRI- DILETTA DEMELA

“SOS CADDERIS”

Sos cadderis a caddu ischint andare
e a sa piseddina l’ant a imparare;
sas banderas si bident isbentulare
e sos cadderis sa berrita s’ant a bogare
e su mucarolu de totus sos colores podes agatare.

S’ischìllia dae tesu si intendet sonare,
sos caddos imbetze si bident arribare
e sa zente ballende a manu tenta at a abbojare.



160 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE UDDUSÒ - CLASSE III ELEMENTARE SETZIONE A

“SOS GIOGOS ANTIGOS”

Sos mannos nostros in antighidade
giogaiant cuntentos in sas carreras:
cun sa marròcula a onzi edade
e a s'ancalita che mariposas.
Puru nois amus proadu a imparare
e proende e torrende a proare
onzi die amus leadu abitudine.
Allegros e cuntentos che puzones in s'àera
giogamus a murra e a s'ainu bolat,
a musa e a burinu cun capatzidade
agatende cumpagnia, allegria e felitzidade.



66 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ÒSCHIRI - RICCARDO DECANDIA

“SU MUNDU”

Su mundu est meda bellu
che una pintura fata a pinzellu,
su mundu at meda continentes
ricu de baddes, montes e padentes.

Su mundu at tantas natziones
partidas in paritzas regiones,
cun diversas populatziones
ammisturadas che su minestrone.

B'at persones cantu b'at piantas
e nois las respetamus totus cantas.



276 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE PADRU - IV ELEMENTARE

“SU NURAGHE”

Una turre manna de època nuràgica
fata bene cun pedras e montes
si bidiat dae milli orizontes
fraigada dae una populatzione màgica.

In un'era de unu tempus a tesu
naschiant 1000 nuraghes o pius puru
fiant totu inghiriados dae unu muru
e una corte b'aiant in mesu.

Fraigados dae meda de seguru
sunt fizos de unu pòpulu mai resu
fizos de una populatzione digna
chi at fatu manna sa Sardigna.



71 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE PADRU - II MÈDIA

“TERRA MIA”

In su coro de sa Sardigna
antigos e fieros
sos nuraghes costoint paritzos misteros.

Turres de pedra
chi basant su bentu
testimonias de istòrias de unu tempus lentu.

Formas curiosas
abbratzant s'istòria
ogni pedra faeddat de vida e de glòria.

Unu pòpulu fieru
cun su coro pulsante
ballaiat a ritmu de unu cantu distante.

Su gloriosu passadu
in su sonu de su mare
a tempus presente cheret torrare.

Sos nuraghe iscurtant,
eternas sentinellas,
cantos de paghe e poesias bellas.



71 VOTOS LEADOS IN FACEBOOK



Cuncursu de poesia in Limba Sarda

ISCOLAS DE SU MONTE ACUTU
COMUNE DE ÒSCHIRI - DILETTA DEMELA

“UNA TERRA · UNU TESORO”

Sa Sardigna est unu logu ispetziale
chi totus podimus ammirare,
deo la cherzo respetare
e no la devo mancu imbrutare.

Pro a mie sa Sardigna est unu logu de oro
e est bella cantu su menzus tesoro,
bellos sos montes, nuraghes e mare,
ma finas sos grupos chi faghent ballare.

Sas campanas in sas biddas s'intendent sonare
e sos bellos coros nos faghent cantare;
sa Sardigna est una terra, unu tesoro
chi mi tenzo cara in sa mente e in su coro.



168 VOTOS LEADOS IN FACEBOOK



Concursu de poesia in Limba Sarda

SOS OPERADORES DE S'ISTITUTU CHIRCAS
TORRANT GRÀTZIAS A TOTUS SAS MASTRAS, SOS
MASTROS E PRO SU PRUS A SOS PISEDDOS CHI SI
SUNT IMPIGNADOS PRO SA BONA RESESSIDA DE
CUSTU PROGETU.

